

Spezial Gniempi vom 31. August 2017



S'isch am Aafang e driebe Daag gsi, wo mr is im Joggeli droffe hänn. 23 Gniempi hänn ungeduldig gwardet, was d'Romy fir e Programm bikannt git, denn niemer het ebbis gwisst was bassiert und wie dr Ablauf vom Nomidaag wird uss gsee. Ändlig hett si gsait, ass me an d'Birs aabe goot und Richtig Birskeppli schpaziere dien. Uff halbem Wääg häämer aaghalte, sin iber d'Schtrooss und ins Glaiderbigel Museum zem Hansi Dunkel.

Dert sinn mr vom Schef perseenlig härzlig begriesst und willkumme ghaisse worde. No dr Begriessig sinn mr dr no in Käller aabe gschiige und sinn iber schytet worde mit luschtige Gschichte und Anekdote.

Wär no dr Fierig, Glaiderbigel immer no langwiilig findet, het de schpezielle Ussfierige iber dä Gäägeschand, nid rächt zue gloost oder hetts nid rächt verschtande.

Iber 4000 Bigel sinn usgschtellt und dr Ältischt isch iber 400 Joor alt. No dääre Zytrais ischs zem Umdrungg gange. Gmuetlig ischs gsi und mr hänn wyteri Gschichte derfe gheere vo dämm aigene Gäägeschand.

Uff aimool, wie kaas anderscht sy, git d'Romy dr Bifääl zem Uffbruch.

Mr sinn in 36er gschiige, ainigi sinn scho am Bad. Bhf. wiider us gschiige und dr Räscht hett in dr Lange Erle dr Bus verloo. D'Wiise duur ab, dr Ryy dur uff, bis zer Dreyrosebrugg und diräggt in Baiz wo glych haist wie d'Brugg, wo mr is alli wiider droffe hänn. S'hett e feyne drey Gänger gää. Alles hett glabbt wie am Schnierli und Romy hett sich nid Lumpe loo, drum mechte mr e härzligs „Danggerscheen“ usschpräche.

Beesi Zunge bhauptete, ass ainigi no knabb s'letschti Drämmli bikoo hänn, wo uffs Land gfaare-n isch.

Alli frai sich jetz schoo uff dr nägscht Gniempi.